

Kupang beracun: Perikanan Selangor mula pencegahan

Oleh **MOHAMAD ATHIR ISMAIL**
athir.ismail@mediamulia.com.my

SHAH ALAM: Jabatan Perikanan Selangor akan berhubung dengan penternak kupang yang berdepan masalah ternakan beracun di Port Dickson, Negeri Sembilan bagi memastikan situasi tersebut tidak merebak ke negeri ini.

Pengarahnya, Noraisyah Abu Bakar berkata, beliau juga akan membuat semakan lanjut dengan penyidik jabatannya bagi mengenal pasti risiko penyebaran biotoksin melalui perairan untuk mengelak kebimbangan dalam kalangan orang awam.

“Kita berhubung dengan penternak untuk memantau dari semasa ke semasa supaya dapat mengambil tindakan segera sekiranya timbul isu-isu sedemikian di negeri ini. Kita juga rujuk dengan penyidik jika terdapat risiko penyebaran melalui arus di perairan Negeri Sembilan.

+ “Bagaimanapun, tiada ulasan lanjut dapat diberikan, namun



“
Kita berhubung dengan penternak untuk memantau dari semasa ke semasa supaya dapat mengambil tindakan segera sekiranya timbul isu-isu sedemikian di negeri ini.”

**NORAI SYAH
ABU BAKAR**

isu biotoksin pernah berlaku di Selangor, tetapi tidak sampai memudaratkan atau mendatangkan bahaya kepada pengguna,” katanya ketika dihubungi *Utusan Malaysia*.

Terdahulu, ternakan kupang dekat perairan Port Dickson dilaporkan tidak selamat untuk

berbahaya dan biotoksin dikesan pada makanan laut tersebut.

Antara faktor kepada masalah tersebut dikenal pasti berpunca daripada cuaca panas yang membantu pembiakan dengan cepat alga berbahaya seperti spesies *Prorocentrum*, *Alexan-*

drium dan *Pesudonitzschia*.

Bagaimanapun, keadaan itu tidak mencetuskan bahaya kepada hidupan laut lain seperti ketam, udang, ikan dan sebagainya.

Dalam pada itu, Pengerusi Persatuan Nelayan Selangor, Omar Abdul Rahman ketika dihubungi meminta penternak-penternak kupang atau kerang di negeri ini supaya berwaspada dan melaporkan kepada Jabatan Perikanan jika mengesan kelainan pada ternakan mereka.

“Setakat ini belum ada aduan diterima daripada penternak, cuma masalah yang dihadapi di Selangor adalah pencemaran datang dari sungai-sungai terutama Sungai Buloh yang menyebabkan benih kupang itu mati.

“Belum membesar pun sudah mati, jadi tak ada isu keracunan kepada pengguna sebaliknya menjejaskan hasil ternakan dan pendapatan penternak. Bagaimanapun, saya memohon Jabatan Perikanan membuat pemantauan dari semasa ke semasa,” ujarnya.